

六藝之一錄

百五四



欽定四庫全書

六藝之一錄卷三百六十

歷朝書譜

式古齋書畫彙攷目

元

趙子昂孟頫

書帖真蹟七十四種俱見前

趙雍

錢唐倪濤撰

趙仲穆書母管夫人壙志

趙待制復四窓札行草書

趙仲穆所惠翰墨帖

趙待制臨洛神賦

趙仲穆書黃庭內外玉景總經小楷書

趙仲穆書中峰淨土詩帖行草書

趙麟

趙彥徵與衡唐札行草書

張伯淳

張師道楞伽古木詩帖行書

燕公楠

燕國材板餞帖行書

方回

方萬里台翰甚多帖行草書

鮮于樞

鮮于奉常書青天詞

伯機書唐詩草書

鮮于公遺墨卷

鮮于伯機滿江紅詞

困學民書韋端已詩四首

鮮于伯機檀波羅密帖行草書

直寄老人書昌黎石鼓歌卷

高克恭

高房山眠食安好帖行楷書

袁易

袁靜春寓錢唐雜詩帖

吾衍

吾子行書古文篆韻并記二帙

吾竹房書杜詩諸帖小篆書

程鉅夫

程雪樓可人帖行書

李侗

李士弘臨右軍明府諸帖卷

仇遠

仇山邨七言詩卷行書

馮子振

馮海粟居庸賦卷行書

袁桷

袁清容舊歲北歸帖行書

袁伯長同日分途帖行書

鄧文原

鄧文肅公臨急就章

鄧善之與本齋札

鄧祭酒職米帖行草書



鄧善之杖錫見過帖行書

龔璠

龔子敬宣城詩并識卷行書

郭昇

郭天錫詩文雜記

郭天錫抄諸賢遺稿

郭天錫書遺林上人詩卷

陸友

陸友仁書世說卷隸書

班惟志

班恕齋二體千文卷真草間書

錢良右

錢翼之四體千文卷

錢達

錢伯行書虞雍公辨烏賦

邊武

邊伯京書千文冊草書

汪從善

汪國良假舟帖行書

揭傒斯

揭文安公雜詩卷草書

喀喇庫庫

庫庫子山十二月十二日帖草

庫庫正齋臨懷素自叙卷草書

庫庫子山書梓人傳草書

趙期頤

趙子奇本齋帖

馮思溫

馮思溫贈季境詩

虞集

虞伯生書雍公誅蚊賦并識卷

虞文靖雜詩卷

虞邵菴書記并詩卷

虞文靖豆腐贊

虞邵菴詩翰

虞道園答翼之詩卷

虞邵菴與總管札

虞伯生歸田帖

虞道園奉記都運帖

虞伯生不及入閣帖行草書

楊載

楊仲弘水龍吟詞帖行書

黎芳洲

黎芳洲滿江紅詞帖行書

干文傳

千壽道嘯堂集古錄跋

杜本

杜伯原與本齋札

張起巖

張夢臣贈季境詩

黃公望

黃大癡手札

黃子久書世說新語

汪澤民

汪尚書手札下及帖行書

黃潛

黃文獻兔穎帖行書

黃晉卿腹誨齋銘行書

楊椿

楊子壽書虞公祺傳贊

歐陽玄

歐陽原功虞公文序并簡

歐陽原功贈季境詩

歐陽原功與季野札

平心老人送自得詩

歐陽圭齋楊公墓碑銘楷書

趙肅

趙彥恭樵林楓葉詩帖行書

余闕

余廷心兩得從游帖行書

柯九思

柯丹丘石屏記

柯敬仲次謙父詩帖行楷書

潘牧



潘牧次惟寅懷古詩

曹知白

曹雲西交訊帖行書

米起

米起山龍瓶帖行書

鄭元祐

鄭明德彛齋記

遂昌山樵世壽堂銘

尚左老人溪澣帖行書

鄭明德齋課詩帖

朱德潤

朱澤民來翰見答帖行書

朱睢陽白下長干詩帖行書

蘇大年

蘇西坡未獲便郵帖行書

蘇昌齡靜學齋銘隸書

顧安

顧定之雪川奉別帖行草書

邾經

邾仲誼寄德機詩帖

王德璉

王雲菴香奩八詠卷

饒介

饒介叟幻住詩蹟

饒醉翁雜詩帖

饒介之抱疾衡門帖行草書

饒介叟琴軫帖行書

饒介之蕉池積雪卷草書

饒介之四體書卷

王畛

王季野呈叔方詩帖

張翥

張仲舉與季境詩

張蛻菴與季京札

張仲舉贈松雪詩

高明

高則誠寄倪仲權詩并識卷行楷書

顧阿瑛

顧仲英虎丘詩帖行楷書

錢惟善

錢思復幽人詩帖行書

錢曲江田家詩帖行草書

周伯琦

周伯溫書危太樸撰倪夫人墓銘

周伯溫書藏經銘併詩

谷陽生書相鶴經

楊維禎

楊廉夫寄元鎮詩蹟

楊木貞贈筆師序

抱遺老人書謝氏石屏志卷

楊廉夫古劍歌

楊鐵崖詩帖

楊鐵笛僕客雲間帖行草書

楊廉夫與德常札

倪瓚

倪雲林醉歌行

倪迂雜詩帖

滄浪漫士寄陳惟寅詩卷

倪迂諸絕句并札

曲全叟詩餘手蹟

滄浪漫士客居詩帖

淨名居士與慎獨二簡

曲全叟贈徐耕漁詩卷

雲林子靜寄軒詩帖

倪雲林江南春詞

幻霞子月初發舟帖行楷書

雲林生三印帖行書

倪迂水竹處帖

朱陽館主與良常詩翰

倪雲林與玄度札行書

俞和

俞紫芝書悟真篇楷書

俞子中雜詩帖行草書

俞紫芝臨十七帖

王蒙

王叔明溪南醉歸詩

張德機

張德機論交詩帖行書

張玄度

張玄度題畫詩帖

胡悌

胡悌題張德機艇齋帖

胡悌呈德機近作



沈右

沈仲說次叔方詩

仲說與叔方詩簡

沈寓齋次叔方五言二律

沈仲說詠歸亭二詩

沈仲說與慎獨詩簡

莫昌

莫景行詩翰

唐仲

唐白雲忽逢佳節詩帖楷書

張穀

張穀七言絕句詩卷

余日強

余日強答大章上鐵崖二詩

陳穎昌

陳穎昌別來三載帖楷書

張與可

張繡江來往溪上帖行草書

屠性

屠性數日不面帖行楷書

李訥

李彥敏不奉誨益帖行書

釋明本

中峰禪師書九字梅花咏并松月詩

釋劉順

元天目禪師劉順法語小真行書

釋梵琦

楚石詩翰

道吳全節

吳閻閻與季境詩

道張雨

張伯雨登南峰詩草書

張貞居山居即事詩帖

張伯雨誄薛真人文

張外史雜詩卷

張貞居雜詠帖

張伯雨書近詩併識

張貞居次陸韓韻并觀古墨詩帖

張伯雨較書詩帖

句曲外史書山海經

張伯雨書參同契

張外史室邇札并詩帖行書

張天雨玄洲帖行楷書

句曲外史書詩文卷

張嗣真書太上十三訓

女管道昇

管仲姬與中峰帖

元人合卷

趙子昂書騰騰和尚歌庫庫子山隱括古詩合卷

松雪翁書法獨步當代喀喇公繼起遂有南北並  
雄之譽優劣固未易言也金庭王希淵寶藏二公  
真蹟間出以相示俾予評之予謂趙書如士大夫  
按樂縱爽節奏而意態閑雅子山如新駒出櫪未  
閑控御安事馳驅世有知予此論者方許具一隻  
眼雒陽鎡師邵

子昂子山翰墨歌

元朝翰墨誰擅場子昂子山高頡頏二公才名蓋  
當世片楮傳播如珪璋子山學士位館閣天水王  
孫登玉堂官居位望正相似後先雙璧聯輝光趙  
公至元初入覲神姿皎皎明秋霜世祖重瞳特加  
敬顧盼恩渥殊非常真行篆籀誇第一厓鐫石刻  
傳四方金薤琳琅炯相照天球寶鼎森成行今觀  
此書乃行體筆意蕭散還嚴莊危藤兀兀寄高樹

斗柄落落垂穹蒼左迴右顧自適勁骨肉平均筋  
力強子山此書兼行草翩翩筆勢鸞迴翔春蛇秋  
蚓恣揮掃走兔落鶻何驚惶有如鄂公握神槊縱  
橫擊刺誰敢當三軍一掃皆敗北狼籍斷箭並刀  
鎗吁嗟墨妙有如此初學詎可窺門墻金庭山下  
右軍宅墨池尚有玄雲香聞孫千載踵家學收得  
此卷如珍藏為言迺祖在元世結交趙魏同肝腸  
相遺不贈合歡綺特寫昔賢金玉章妙好文詞二



公筆天葩雲錦何焜煌家傳舊物賴有此臨摹欲  
繼蘭亭芳白虹貫室鬼神護仰視東壁生寒芒清  
河張燦

趙子昂楊廉夫陸宅之合卷

趙子昂書陶詩 楊廉夫友聞錄序 陸宅之友聞錄文  
淞江陸蒙者家富而好禮收蓄古書畫彝器甚多  
一時名人無不獲交有友聞錄者楊廉夫陸宅之  
皆為之序余亦嘗書數詩與之蒙既死家破於兵

此文流傳竟歸余於前松雪書亦其家故物因合  
作一軸異時當訪其子孫有識者還之時洪武四  
年七月十一日吳門楊基孟載記

趙魏公書于規矩之中自有神仙蛻骨風度楊鐵  
崖狂怪不經而步履自高陸宅之學藏真而自出  
機局三公雖高下不同然皆能以其文辭翰墨豪  
於一時陸景周不知何人乃能筆而得之流落之  
餘復為吾鄉楊先生所輯觀其題識宛然忠厚可

掬皆足重也元聖高士寶此卷數年矣間出相示  
因評數語如右東海徐有貞

袁伯長貫酸齋郭天錫徐敏甫詩詞合卷

一菴首坐久客天慈比得會於萬壽深湛宏博連辱  
和篇不可虛其雅意用韻奉謝桷和尚 七律四首  
行書一紙

貫酸齋筆栗樂末題酸齋道人為西瑛公子 行草

一紙

郭天錫書四禽言末題云右相臺梁隆吉作延佑丁  
已春余客番陽吳昭德同集於徐秋湖之一碧亭酒  
邊舉似次年歸故里書於家藏隆吉詩卷後京口郭  
畀天錫 行書一紙

徐敏甫水調歌頭云中秋後四日奉母絜累遊問政  
之興道觀望黃山俯練水遂賦水調歌頭徐遜 行  
書一紙

元人天冠山題詠卷

龍口巖 洗藥池 鍊丹井 長廊巖 金沙嶺

昇仙臺 逍遙巖 靈湫 寒月泉 玉簾泉

長生池 道人巖 雷公巖 石人峯 學堂巖

老人峯 月巖 鳳山 仙足巖 鬼谷巖

風洞 釣臺 磔潭 馨香潭 三山石

五面石 小隱巖 一線天

松雪道人 清容居士 虞伯生

王繼學 士熙 王金 景文 林傳 以道

吳全節

祝堯

馬伯庸

杜清碧

本

貞溪諸名勝詞翰卷

方回記事二札

方回宣召札

方回寄玄同詩

李道坦與復孺札

張端與提學札

錢應庚與復孺札

邵亨貞與南金詩簡

永與復菴詩

王逢題復孺譜

申屠衡與復孺詩簡

應庚次復孺詩

邦堅與復菴札

錢惟善與伯宣詩簡

伯宣與曲江翁詩簡

邵亨貞詩簡

錢應庚詞簡

邵亨貞詞簡

錢應庚詞簡

錢挹素詞簡

錢應庚詞簡

元人贈筆工卷

贈筆工沈日新

張復亨詩

林附鳳詩

杜本詩

柯九思詩

鄭元祐詩 柳貫題 李坦之詩

元人題黃氏菊山卷

劉汶菊山序 陳魯菊山說 黃晉卿菊山賦

龍翔菊山詩 釋祖瑛菊山詩 鄧汝礪菊山贊

宇文公諒菊山歌 胡助菊山詩 程敬直菊山詩

釋如砥菊山詩 馬彞中菊山詩 柯九思菊山詩

余震菊山詩 高暉菊山詩 白雲釋蕙菊山詩

釋元遜菊山詩 謝師善菊山詩 釋廷俊菊山詩



釋大亨菊山詩

洪頤菊山詩

劉景元菊山詩

梅實菊山詩

張實菊山詩

釋永祚菊山詩

慈感菊山詩

元名公送瞿博士卷

李孝光送瞿慧夫上青龍鎮學官詩序

張天雨詩

李孝光詩併題

釋善行詩

錢惟善詩

陳息永詩

梁恂詩

黃玠詩

呂肅詩

鄭東後序

元人送虞勝伯卷

陳基序

倪瓚詩

鄭元祐序

沈右詩

呂禎詩

周砥詩

鄒奕詩

余詮詩

魏文彛詩

韓友直詩

陶澤詩

范成詩

張緯詩

王廓詩

徐克敬詩

魏奎詩

呂敏詩

王嘏詩

聶鏞詩

申屠衡詩

王謙詩

王立中詩

黃夔寄勝伯詩

黃章奉青城詩

邾經復克用詩

陸廣和克用詩

陸廣聯話詩

董在呈勝伯詩

謝林次勝伯詩

倪瓚次叔勝詩并簡

倪瓚改次韻詩并簡

倪瓚和荅勝伯惟寅詩

張道送勝伯詩并東吳十詠

元名公翰墨卷

楊維禎書吳氏墓誌 高明吳氏三世識

張雨南堂詩 元旭與青山和尚札

陸定龍書贈竹深 應元秋高詩

闕欵五言一律 左瞽有感詩

席帽山人楊子詩 沈右復穎川札

此卷久為先荆翁藏玩前有米襄陽山水橫幅

高君明水見之即囑戴老以靖窰檀蓋十二

求易附二佳筴作裝潢資愚父子受蓋却其筴

竟爲居間者所沒又有元名翰爲張紳張文在  
程璠鮑恂王東諸人先後被此輩購去嘗憶文  
在句高公山水趙公書今代何人與比馳及漁  
父詞云我是箇不識字烟波釣叟恍然在目也

珊瑚網

元人題華氏春草軒卷

張翥春草軒記

陳謙春草軒詩序

鄭元祐春暉詩

胡助春草曲

楊維禎春草辭

陳基春草辭

張雨題春草軒

段天祐春草軒詩

李孝光詩 謙遊子吟

高明詩

王逢詩

納延詩

陳遠詩

貢師泰詩

宇文諒公諒詩

塗貞詩

謝理詩

韓文璵詩

王餘慶詩

黃師憲詩

閻相如詩

元人題華氏貞節堂卷

于文傳貞節堂記

危素無錫華節婦贊

貢師泰貞節堂詩

黃潛貞節堂銘并序

鄭元祐貞節堂後記

李祈貞節堂詩序

會堅貞節篇

塗貞詩

楊鑄詩

鄭元忠詩

吳壽仁詩

趙質詩

元人贈畫師朱叔重卷

朱桓序

虞堪詩

呂敏詩

錢伯詩

錢元善詩

邵復詩

李伯彰詩

吳炳詩

安敏詩

顧敬詩

徐恒詩

高恒吉詩

元瀨詩

元人題張氏世壽堂卷

鄭元祐題張氏世壽堂詩

鄭元祐繙經一首簡天民詩

蘇大年和韻

周砥次韻

無名氏次韻

王東晉越次韻

孟柵次韻

成廷珪簡天民詩



元祐和韻

岳榆次韻

周砥次韻

鄭元祐慶靈飛經詩

盧熊和韻

周砥次韻

鄭元祐憫農詩

元人題良常草堂詩卷

潘純題張先生良常草堂詩

倪中詩

范德源詩

元良常張氏遺卷

鄭元祐送張吳縣之官嘉定分題詩序

成廷珪詩

元祐詩

陳秀民詩

鄭元詩

范致大詩

高玄復詩

張端詩

劉堧詩

王逢詩

聶鏞詩

陳朴詩

張憲詩

陳桎詩

周砥詩

張體詩

陳汝秩詩

鄧德基詩

張端義詩

盧熊詩

王行詩

高啓詩

龔宜詩

黃本詩

徐文矩詩

張瑄詩

董翔鳳詩

顧常詩

蘇昌齡詩

會朴詩

楊基詩序

浮丘公詩

余詮詩

成庭珪詩  
袁章詩  
何恒詩  
徐士茂詩

馬庸詩

元人題朱氏方寸鐵卷

方寸鏡 錢達篆

楊維禎方寸鏡志  
顧阿瑛詩并題

元鼎方寸鏡歌  
陸仁方寸鏡銘

秦約方寸鏡頌  
邾經方寸鏡詩

陳世昌詩  
陸居仁詩  
錢惟善詩

館閣諸公無不喜用名印雖草廬吳公所尚質  
樸亦所不免惟揭文安公絕不用其制吾竹房  
論著甚詳然其所用人多不合作趙文敏有一  
印文曰水精宮道人在京與李息齋袁子方同  
坐適用此印袁曰水精宮道人政可對瑪瑙寺  
行者闔座絕倒益息齋元居慶壽寺也鮮于郎  
中一印曰鮮于伯機父吾子行曰可對尉遲敬  
德鞭滑稽大畧相同子行嘗作一小印曰好嬉子

蓋吳中方言一日魏國夫人作馬圖傳至子行處子行為題詩後倒用此印觀者曰先生倒用了印子行曰不妨坐客莫曉他日文敏見之罵曰箇瞎子他道倒好嬉子耳太平盛時文人滑稽如此情懷可見今不可得矣余坐主張先生仲舉在杭一印曰平舉鶴叟蓋用杭州三山名臨平皋亭黃鶴也古人亦有如此者如雲烟過眼錄載姜白石印文鷹揚周郊鳳儀虞廷蓋以

姓字作隱語辛稼軒印曰六十一上人又以破  
其姓文米元章書史言劉巨濟符符字亦好竒  
耳雲門山樵張紳書於朱伯盛印譜後

予嘗見故元人時吳人印章刻畫古雅疑其多  
出於吾子行之手而不知有朱伯盛者今觀楊  
鍊崖顧玉山輩方寸鍊志并詩始知之伯盛名  
珪玉山稱其為西郊草堂之鄰蓋崑山人葉君  
廷光與為同縣宜其獲此而藏之成化丁未三

月晦吳寬題

元人為朱鍊師本初七序卷

故元文章之盛雖方外道流亦有其人如吳全  
節薛玄卿張伯雨輩是也此則朱本初所著貞  
一藁觀其所得尤為精深宜一時大家特為親  
書其首也本初臨川人出家上清宮而從吳宗  
師居都下其藁既無刻本不知此編何從傳至  
吳中幸而為抑夫縣人之所藏不然其亦泯矣

吳寬

本初一榻林下內境虛曠中夕夢回松月在窗  
夜氣閒然全體豁露于斯有得劉損

珊瑚網云七序為勝國范梈劉有慶歐陽應丙

虞集柳貫道吳全節諸人天啟癸亥春二月廿

六日王二泉持此卷來以行促不及錄序語玉

水記

元人題盧賢母卷



朱桓盧賢母傳

孫景又書

饒介盧母頌

錢昉詩

鄭元祐挽歌詞

周伯溫詩

許中詩

陳魯虎詩

錢惟善詩

曹睿詩

邵復詩

王浩詩

烏延思敬詩

張士凱詩

五十四詩

張憲詩

李泓詩

李常詩

陳朴詩

傅著詩

范成詩

鮑恂詩

徐賁詩

張紳題盧母傳後

鄭元題

陳秀民題

元人游仙詞卷

鄭元祐詩

張雨詩

郭翼詩

陸大本詩

釋淨圭詩

余善詩

王逢詩

錢孤雲賦

元人題徐氏耕漁軒記卷

高英志耕漁軒記

楊基耕漁軒說

唐肅耕漁軒銘

包大同耕漁軒銘

王行耕漁軒詩序

倪瓚詩

周砥詩

隆山詩

張緯詩

陳寅詩

高啟詩

張羽詩

徐賁詩

王隅詩

劉天錫詩

仇機詩

王禔詩

西澗翁詩

堅白叟詩

倪瓚詩

陳宗義詩

余詮詩

道衍詩後序

元人為竹林陳氏雜帖

朱志道與宗遠書

鮑恂和虛白詩

顧阿瑛與子剛詩簡  
老鐵貞詩帖

顧阿瑛次韻諸詩  
老鐵貞呈子剛詩帖

老鐵貞詩  
馬庸寄節判詩

瞿智次元章詩  
張樞奉郡倅詩

錢方送陳長史詩

元人題楊母貞壽堂卷

周伯琦貞壽堂記  
陳基貞壽堂銘

王蒙貞壽堂詩  
戴良貞壽堂詩三首

姜漸貞壽堂頌并序

妙聲詩

倪玄映詩

楊翮詩

顏肅詩

張適南山白鶴詞并序

元人贈宋仲溫卷

高啟南宮生傳

楊維禎歌 饒介之詩

張憲詩

高啟歌

高季迪詩 倪瓚詩

周砥歌

沈鉉歌

沈鉉詩

燕山曾燿蜀人王燧會稽唐愚士洪武廿一年

四月既望同觀於應天府學之東齋

元人賦竹深處卷

張時賦

石字詩

王復原詩

黃仲瑤詩

江輻詩

彭敷恂詩

金灝詩

朱復古詩

徐疇詩

邵資深詩

趙宗文詩

沈玄詩

余學夔詩

陳潤詩

林誌詩

元虛詩

僧湧詩

竹樵詩

倪維哲詩

王鉉詩

陳璲詩

趙次進詩

釋啟詩

釋罔詩

釋鼎詩

金闕詩

周崇厚詩

劉孟功甫世家吳山水之間其先大父退軒公  
嘗植竹數百本于庭清陰勁色照映几席蕭瑟  
擅藥之聲恒接于耳退軒公既捐館孟功以其  
竹有先人之遺澤瞻之敬之封之植之竹日以  
蕃廼揭其宴息之軒曰竹深處示不忘也既而  
宦游四方雖欲有事於竹而不可得逮扈從北  
京去竹益遠蔑以舒其婉孌之懷遂屬其所交

名卿鉅儒作為詩文圖書以發其思竹之蘊余  
得觀其卷焉灑灑乎其文之雄也颯颯乎其詠  
之長也沕乎穆乎不見其端倪也若竹之綿亘  
杳藹連畛接町綠雲際天一目千頃者也鈎章  
棘句詞嚴義正若竹之密而不倚疎而不離森  
然而成陣挺然而列峙振風不能搖其根和寒  
不能易其節者也聲律清婉格調高妙若竹之  
簸弄皓月憂擊鮮飈樅然而琳球鳴鏘然而韶



鈞作者也意趣冲澹思致超逸若竹之中虛外  
直與道消息豐本擢枝樹德務滋跂之弗可及  
撓之弗可移者也此詩文之大畧竹固有之矣  
以書而言之則竹深處三大字去篆而從隸戟  
立梨橫戈揮石墜若竹之含貞厲氣藏鋒蓄銳  
毅然而不阿者也以圖而言之則為方弗逾咫  
而曲盡萬竹之幽邃將不求其象於圖中而欲  
得其意於象外者也以是言之則竹之於人而

不為無遇也夫竹植物也向使生於遐陬僻壤  
荒閒閒寂之濱雖蕃若渭川盛若淇園音諧嶰  
谷之律材儷柯亭之椽苟弗遇其人則蕪沒乎  
蒸樵之場芟刈乎樵斧之下槁死乎華實之餘  
澌盡乎朽腐之後者殆弗可以數計也其亦可  
悲矣乎求欲見遇乎其人而獲揚厲乎諸君子  
者詎可得哉然則竹之遇不遇其相去若是之  
懸殊也推之他物亦不異於竹矣故為跋其卷

末南舟

六藝之一錄卷三百六十

欽定四庫全書

六藝之一錄卷三百六十一

錢唐倪濤撰

歷朝書譜

明

劉基

劉基字伯溫青田人元末舉進士累仕皆投劾去太祖定括蒼以命來聘遂詣金陵上即位擢御史中丞

封誠意伯

吾學編

公洞徹性理之學尤精天文兵法善行草

朱謀聖書史會要

宋濂

宋濂字景濂浦江人學於吳萊名文章高帝既下婺聘為教授或時為文坐濂榻下口授書之洪武九年授翰林承旨自少至老未嘗去書豐體近視乃一叅

上能作字十餘

編吾學

宋太史書清古有法

匏翁家藏集

郎仁寶云公草書有龍盤鳳舞之象

書史會要

唐宋名公俱以行草擅場昭代精細楷者宋景濂一

人而已

六研齋筆

宋潛溪與儀靖札行書箋本

式古堂書畫彙考

宋太史手書鄭生名解

右包參軍家藏宋太史書鄭生名解示余按書述稱太史父子不失邯鄲此書行筆極蕭散而有純綿裹鐵之意似非規規學步者跋尾如烏傷王子充金華胡仲申豫章揭泐號能文章家初不以臨池名而結

法翩翩自佳皆可重也法故曼碩應奉子太史名濂  
鄭生亦名濂豈古所謂慕蘭齊莊之遺邪則其文該  
洽辨覈固宜爾昔斛律丞相至不能署其名而更之  
猶以為繁若太史者無乃愧其簡乎此語頗有意然  
當不免參軍一胡盧也

弇州山人藁

宋濂溪手帖

某年二十時獲見先生於翰林遂受業於門及先生  
致事還金華侍左右者數年每蒙獎與以為易教所



以陶冶鞭策之者甚至此帖乃庚申歲謫蜀將辭京師時所發詞意重厚拳拳以古賢哲之事見勉若誠以為可望者

遜志齋集

高啓

高啓字季迪吳郡人少警穎力學遂工於詩居淞江上歌詠自適明興以薦與修元史授翰林國史編修官久之推任喉舌之司待以不次懇辭歸里遨遊青

丘甫里之墟始號槎軒又號青丘子

李志光高太史傳

啓善楷書飄逸之氣入人眉睫行草入妙

書史會要

青丘子惜花歎

式古堂書畫彙考

### 楊基

楊基字孟載著書十萬餘言名曰論鑒與高啓張羽

徐賁號吳中四傑王師平吳籍置臨濠又遷之豫後

起令平陽復從坐徙白鹿為從史再起東安還授員

外出按江西

吾學編

楊基正書師鍾元常行草師二王

書史會要

張羽

張羽 字來儀 潯陽人 好著述文辭典雅紀載行事詳而有體

洪武初以儒徵對不稱旨放還又徵起為太常丞 學

編

張羽隸法韓擇木 弇州山人 藁

張羽楷法右軍曹娥碑雖未精極却能離俗而入於

雅 唐氏 小辨

來儀書法纖婉有異趣髣髴謝莊月賦 六研齋 三筆

張羽喜臨蘭亭帖 書史 會要

徐賁

徐賁 字幼文號北郭生 洪武中徵起使晉冀還橐惟所賦詩

命給事殿中改御史又改刑曹參政廣西進河南布

政 吾學編

徐賁小楷法鍾兼虞亦雅然皆拘拘法內 詹氏小辨

賁楷書清逸可愛 書史 會要

徐幼文楷筆秀整端慎不為沓拖自恣其草書雄緊

跌宕出入旭素無不淋漓快健

六研齋  
筆記

危素

危素字太樸臨川人至元中為翰林學士承旨洪武

二年授侍講學士知制誥博學善文辭尤精於書得

片紙隻字者寶秘以為榮

宋濂學  
士集

素善楷書有釋智永虞永興典則

書史  
會要

喀喇子山在南臺時臨川危素太樸饒介介之得其

傳授而太樸以教宋遜仲珩杜環叔循唐希元孟舉

介之以授宋克仲温

解縉書  
學傳授

### 危太樸炬法師塔銘

寶石山蓀師以臨川危公所撰炬法師塔銘裝潢成  
 卷持以示余曰此危公垂沒之筆也其文總若干字  
 而點竄又計若干字字大如蠅頭而兼用行草其孤  
 於識其後曰此文洪武五年正月十日先君子所作  
 是月廿又五日以疾終今以此文寄其徒秋巖昆仲  
 用見先君子之意於今為安慶府教授秋巖則蓀師

字也余以此本乃公未脫藁之文行草兼用且加點  
竄讀者難認取天界寺住持泐公所為行狀正其差  
訛命諸生方質錄於藁本之後以便讀者且屬蓀師  
請善書者登其文於石而以藁本留於山中使人見  
公當垂沒之際其文與字畫不苟如此公以文章翰  
墨名世著作既高而楷行草三體並臻於妙凡世臣  
大家釋老寺觀穹碑短碣多出公手至於遐方裔壤  
得其片言隻字莫不寶以為玩當時號稱詞翰兩絕

公凡為文既脫藁類皆楷書登石此文如其孤所誌  
去捐館之日十又五日爾蓋以病僅克屬藁不及別  
書也因識於卷末以歸蓀師八年十月

徐一夔  
始豐藁

危太樸書隸書歌

學必博而後所見精非唯諸經奧旨皆當研摩至於  
隸書之學漢魏以來其運筆結構多不同苟不歷考  
其變何以充其知識而祛流俗之陋哉吾友危先生  
太樸作隸書歌一篇贈四明汪君大雅備括諸碑之



所自且歷疏之疊疊千餘言不休嗚呼世以空虛之  
學浮談強辨如蠶起泉湧者視此曷知愧哉大雅方  
以隸學知名於時復能惓惓於先生之詩裝潢襲藏  
惟謹則其尚德之心為不可及矣

宋學  
士集

危瓏

危瓏字朝獻素之弟官衛府紀善亦善行楷

吾學  
編

宋遜

宋遜字仲珩宋濂次子官中書舍人精篆隸真草書

嘗見梁草堂法師墓篆及吳天璽中皇象書三段石

刻觀之至忘寢食遂悟筆法小篆之工為國朝第一

濂每見佳處便曰寫老夫名足可傳世矣

吾學編

高皇謂小宋字畫適媚如美女簪花

黃應台浦江人物補遺

宋璲大小二篆純熟姿媚行書亦有氣韻

書史會要

近代能草書者吳興趙公子昂公所敬者為鮮于公

伯機稍後得名者為康里公子山繼三公而作者金

華宋仲珩草書如天驥行中原一日千里超澗渡險

不動氣力雖若不可蹤跡而馳驟必合程矩直可凌

跨鮮于康里使趙公見之必有起予之歎

遜志齋集

仲珩草書出入變化不主故常又非株守一格者此

真翰墨之雄也

懷麓堂集

璩書法端勁溫厚秀拔雄逸規矩二王出入旭素

過庭

訓分省人物考

仲珩筆法沉頓雄快兼篆籀急就之能不獨步驟旭

素也

六研齋筆記

宋仲珩敬覆札草書

式古堂書  
畫彙考

宋仲珩篆書

篆書以清圓勁拔為高秦唐二李皆以是名於世其  
用心至矣自江南徐鼎臣始變而肥已稍遠於古然  
能不失其意故論者尚之近代趙魏公子昂愛鼎臣  
書所作大小篆多類鼎臣絲是學者翕然效之甚至  
彭亨濁俗如豚豕然不知魏公天資高邁故所書自  
過於人俗子輩麁胸陋質欲逐其跡無怪其謬也金

華宋君仲珩病古學之不振學大小篆匪二李不師  
其用心甚久故所作駸駸逼真此王荆公刻漏銘為  
李思問書亦其一也嗚呼古人不可見矣欲識其遺

意者尚於宋君觀之

遜志齋集

宋仲珩草書自作詩

近代善書尤著者稱吳興趙文敏公及康里子山文  
敏妙在真行奕奕得晉人風度所乏者格力不展子  
山善懸腕其真行草逸邁可喜所缺者沈著不足金

華宋君仲珩兼得二公之妙而加以俊放如天驥奔  
行不躡故步而意氣閑美有踧蹋凡馬之勢當今推  
為第一乃余在金華時自京師書其所作詩寄余者  
詩與書皆翩然有塵外意誠希世竒玩也

遜志齋集

宋仲珩雪月軒三篆字

右雪月軒三篆字前中書舍人宋君仲珩書也仲珩  
諱璩金華宋學士景濂先生仲子名能詩歌而小篆  
之工國朝第一初學子山氏行草書而篆師張有講

於宋季子吳志淳孫子林朱孟辨及見太僕危公乃  
令師獻之行草而篆法以李斯為宗嘗見梁朝有草  
堂法師墓篆字竒古及吳天璽中皇象書三段石刻  
皆真蹟觀之至忘寢食遂悟筆法絕出流輩學士君  
亦甚愛其書每見佳處便曰寫老夫名足可傳世矣  
此三字余友蕭君世英得之余猶及見有學士姓名  
印識蕭君與余別幾二十年中間亦播遷南北茲幸  
會於桂林復以相示則姓名印識不知為何人裁去

蕭君甚惋惜之俾余追書其事以示後之人若夫雪  
月名軒則有賢士大夫詩文所以稱美蕭君而勸之  
備矣余但祝頌君之必有以副其所期耳

春雨集

### 宋仲珩草書

宋舍人草書余南都時屢觀之今復觀於此披玩數

四殊為不厭也

匏翁家藏集

### 宋仲珩篆書金剛經

從曲江過韋曲宿牛頭寺汪右轄以虛出是卷卷首



有伯時繪子昂篆皆極精工而金剛經則宋仲珩篆書也仲珩草書為當代第一而篆不多見今見此卷勁如屈鐵豐道生不及也景濂一跋叙實詳委此公邃於禪而教典尤博紫陽圭峰分身入流者也卷尾有姚少師書極適逸少師書數變而晚更秀余嘗見其自題畫像及跋樂天竹牕詩雋氣見於筆端復可皆高禪兩書俱出他手可不善書而復有臨池之譽不知何以借捉刀人也若余不能書者然每見佳卷

輒書此亦可發一笑雨中至興教寺小史設長案山  
僧出粗石硯雞毛筆強余書以虛曰仲珩必屏處書  
子豈亦有此癖邪余曰彼工書畏敗名耳余亦何畏  
也遂笑而識之

袁宏道蒿  
華遊草

宋懌

宋懌仲珩之子奉母居蜀思紹父學蜀王至國聞而  
閔之時賜粟帛賙其家撫勞教育者甚至繇是得專  
於學其書亦工

杜環

杜環字叔循其先廬陵人侍父一元游宦江東遂家

金陵好學工書為晉王府錄事

宋學士集

國初環被薦太祖善其書入侍春坊仕終太常丞

吾學

編

杜環正書入能品

書史會要

杜環書法端妍至於行草亦各臻妙

分省人物考

唐希元

詹希元後更名希原字孟舉新安人號逸菴丙寅訥

叟幼從父官勝國至洪武初為鑄印副使後官中書

舍人

書學傳授

希原善大書兼歐虞顏柳凡宮殿城門坊扁皆希原

書

吾學編

詹孟舉嘗作太學集賢門字畫適勁第用趯太祖見

而怒曰安得梗吾學路遂削其趯

李文鳳月山叢譚

詹孟舉篆書用筆絕類台哈布哈王貞婦碑

葉盛水東日記

希原署書於端重嚴整中寓蒼勁雅秀之趣是為難  
能耳若小字則稍熟媚

唐氏  
小辨

唐孟舉書畫錦堂記

韓公之功烈歐公之文章皆世所甚重此記自出入  
將相至社稷之臣數語古今言韓公者未有能逼真  
若此也當時書石是蔡君謨至今傳世為寶唐君此  
書不減君謨亦可寶也

東里  
續集

唐孟舉書王光菴叙字

右詹中書孟舉書吾鄉王光菴先生叙字一首叙為  
沈學菴及其子貴成作學菴名宗學字起宗隱於鍊  
墨又自號墨翁高太史為作傳稱其能書徑尺大字  
貴成字志道隱於櫛髮皆博學善書抱竒崛之行學  
菴尤精於醫故與光菴善所著書有本草發揮精華  
十二經絡治療溯源外科新錄墨法集要增補廣韻  
七音字母今皆不傳傳者新錄耳然獨王氏有之孟  
舉婺源人仕元為供奉監照磨兼善用庫副使洪武

初授吏部奏差鑄印局副使後為中書舍人卒其書  
評者謂兼歐虞顏柳之法而有冠冕佩玉之風為國  
朝書家第一此紙沈氏物光菴從玄孫雲偶購得之  
裝池成卷俾予疏其事唐書近時絕少此文既有關  
王氏而又家集所不載雲之寶此尚可以尋常翰墨  
論哉光菴名賓字仲光其行能之詳自具家傳茲不  
復著云弘治辛酉徵明

停雲  
館帖

宋克

宋克字仲溫吳人博涉書傳少任俠久之稍厭事闔門寡將迎素工草隸逼鍾王患求者衆遂自閱希家

南宮里故自號南宮生

高啓南宮生傳

饒介之論書贈仲溫詩云太白流西荒音響一何切  
蒼精散暘谷光彩爛昭晰靈氣垂八芒雲漢自茲抉  
人文既開張象畫亦區別冥機不自見直待智者發  
誰能懷遠初心焉悟皇頡閉門工造車出門合一轍  
古人有成言得之盡毫髮流形歸自然萬古字不滅



將同造化功豈獨在書訣神哉嶽瀆經煉石補天裂

見式古堂書畫彙考  
元人贈宋仲溫卷內

張憲贈宋仲溫詩云江南羽化張天雨海上神交宋  
仲溫楷法鍾繇稱獨步草臨皇象已專門折釵未墜  
風前股漏屋先凝雨後痕寄語臨池諸俊彥蚓蛇雞

鷺莫須論

同上

克書學急就章得古人之妙

王穉登  
丹青志

宋仲溫詩帖 南宮生書韓昌黎雜說行楷書 東

金定四庫全書  
卷三百六十一  
吳生書孔文舉論盛孝章書草書 宋仲溫書陶詩

并畫竹石卷四體書 宋仲溫手錄書法冊 南宮

生七言絕句

式古堂書  
畫彙考

### 宋仲溫墨蹟

國初書家稱三宋謂遜克廣也克字仲溫號南宮生  
其書出魏晉深得鍾王之法故筆墨精妙而風度翩  
翩可愛或者反以纖巧病之可謂知書者乎仲溫為  
吳人其墨蹟在吳中者顧少開化徐君淳夫乃有此

巨冊而真行草章草皆具信可寶也

匏翁家藏集

宋仲溫草書

右索靖草書勢宋仲溫書蓋得其妙而無愧於靖者也今人或肆妄議則以學之者之過而未見其真蹟

耳

匏翁家藏集

宋仲溫書陶詩

鄉先生宋仲溫氏書法師鍾元常後竟以是妙絕天下其書今人間往往有之余所閱殆不止此獨元常

書世遠罕傳并刻石者亦不多見曩成化間嘗觀元  
常薦焦季直表真蹟始知仲溫之誠有得於元常而  
今豈易得哉

寓意  
編

宋仲溫書急就章

余往與徐獻忠先生論書法歎章草自二王後僅一  
蕭子雲即顏柳蘇米以至趙吳興負當代能聲而不  
一及之黃長睿刻意其學而無其法國初宋南宮仲  
溫可備述者然波險太過筋距溢出遂成佻卜先生

笑謂余家藏仲溫急就章二百年矣差不露筋距舉  
以乞余贖池零落若追蠡而絹墨幸不敗結意純美  
余欣然重表飾之以為征誅之後獲覩揖讓而後偶  
取葉少蘊刻皇象石本閱之大小行模及前後缺處  
若一惟波撇小異耳此亦豈仲溫手臨象本邪然一  
二旁釋小字圓穩有藏蓄與仲溫他書不類而仲溫  
別自補急就闕文與張夢辰則小而勁此恐或非仲  
溫筆也然因是得覩皇象渥洼之種遠出仲溫蹀躞

上語曰買王得羊不失所望夫寧啻不失而已

弇州山人

豪

宋仲溫書前後出塞詩

宋克書此詩及後一帖皆合作者其精巧更勝古章

法乃所以終不及耳

弇州山人

宋仲溫書畫帖

宋仲溫在勝國時以書名雲間其源出章草後二沈揚波雲間士人比比學之至錢原博輩濫觴幾以仲

温為惡札祖此世人不多見宋書從其末流論也仲  
温七姬帖石本最精諸為急就章者皆贗此一帖乃  
不經意天真殊自爛熳且談書畫津津因以知古書  
家未有不溺情古蹟不獨米顛癖也今人信筆作字

字那得佳生其識之

王奉  
常集

宋仲温書七姬志題跋已見九十三卷

宋廣

宋廣字昌裔

南陽人

仕沔陽同知善草書

吾學編

昌裔善行草體兼晉唐筆勢翩翩而謫辰州後乃大

有造詣東里續集

廣草書宗張旭懷素章草入神書史會要

廣與宋克宋璪俱以善書擅名人稱三宋然評者謂

廣書較之二宋不逮以其筆之聯續不斷非古法也

寓意編

陳璧

陳璧字文東華亭人號谷陽生以文學知名尤善篆隸真



草流暢快捷富於繩墨洪武間以秀才任解州判官

調湖廣

孔輔華亭志

璧與三宋齊名用筆俱從懷素自叙帖中流出

書史會要

宋克游松江陳文東嘗從授筆法吳僧善啓謂宋筆

正鋒陳多偏鋒以是不及云

松江志

文東國初名筆松人宗之

懷麓堂集

陳谷陽正書酷似歐陽率更行草漸逼大令篆書亦

入格

何良俊四友齋叢談

陳文東與時中詩簡

陳文東書

楊廉夫贈相子先寫照序

見式古堂  
書畫彙考

陳文東通波阡表

右通波阡表余得之張氏之孫戶部主事賓陽其文  
揚廉夫撰其書真篆二體皆出陳文東而用太樸伯  
溫名者太史公所謂附青雲之士施于後世者也文  
東極力晉唐其書姿媚醞藉自成一家所未足者骨

力耳

東里  
續集

揭樞

揭樞字平仲豐城人至正初揭文安公以楷法得名傳其子法其孫樞樞在洪武中仕為中書舍人與仲

珩叔循聲名埒云

解縉書學傳授

樞正書得其家傳

書史會要

張宸

張宸字翰宸嘉定人博學工古文尤知名於書洪武

初聘署儒學訓導

吳中人物志

國初書家如宋仲溫陳文東張翰宸三人難為伯仲

其意外之意非常人可及

陸深儼山集

張翰宸書宋清傳玉連環歌

右小楷宋清傳一通行草玉連環歌一通南翔張翰宸先生書姚文光照所藏裝池成卷以示余二文皆醫客言而文光亦好書習醫故尤愛之翰宸嘗署嘉定校官國初以能書名在宋仲溫陳文東之間今觀其行筆用鋒楚楚有法前輩自可想也夫學書必窮點畫波磔之妙方能成家其猶醫也必知望聞問切

之道乃可濟世諺云學書止於廢紙學醫將至於廢  
人嗚呼可不慎哉文光其實之

陸儼  
山集

張翰宸書金剛經

嘉定張先生翰宸在洪武中以母夫人生日手書是  
經用以資福此可以見其孝而字畫之勁健清美則  
又可以頡頏古人而不多讓嗚呼若先生者可謂有  
德有文之士矣惜乎甫官訓導而遽罹於非辜故百  
餘年來其名罕傳雖以穆為鄉後進而所閱墨蹟亦

惟此而已穆嘗謂天之生才甚難宜其愛護保惜而

先生乃獨不然其亦可悲也夫其亦可感也夫

都穆南濠

跋文

朱芾

朱芾字孟辨華亭人工詞章翰墨之學真草篆隸清

潤遒勁風度不凡

書史會要

列朝詩紀云洪武中以徵

聘至官編修改中書舍人

朱芾善篆以所書瘞之細林中題曰篆冢

頽良大雅集

桂慎

宋濂春秋本末序云正書入梓者中書舍人朱孟辨

宋璉桂慎鑄印局副使詹希元云

宋潛  
溪集

胡廷鉉

胡廷鉉奉化滙溪人字公惠少學歐陽詢書法洪武  
初召至京師上命詹孟舉廷鉉各寫千文一本以進  
上覽之廷鉉書法過孟舉遂令書皇陵碑道勁可嘉

授中書舍人

張時徹  
寧波志

汪廣洋

汪廣洋字朝宗高郵人通經能文善篆隸大書尤工  
歌詩少從余闕學游太平上渡江召入見與語大悅

留幕下洪武三年封忠勤伯四年為右丞相吾學

廣洋大字莊重非時人所及月山

叢譚

吳雲

吳雲字友雲宜興人仕元為翰林待制洪武元年徐  
達北定元都以禮敦遣赴京除弘文館校書郎五年



拜刑部尚書弘治中諡忠節

雷禮國朝列卿記

吳雲書師虞永興

書史會要

趙好德

趙好德字秉彛汝陽人幼警敏有經濟志刻苦力學

能文章善大書渡江見太祖以儒士命同知陝州事

累官吏部尚書

列卿紀

鄭沂

鄭沂字仲與浦江人宋義門之裔洪武時召義門子

弟選擢備用又徵大姓賢能者授以重任除禮部尚

書

列卿紀

沂善篆隸

書史會要

朱同

朱同字大同休寧人洪武中舉明經授徽州府教授

擢吏部員外郎試禮部侍郎

列卿紀

同入侍懿文太子太子愛其書殊親重焉

詹氏小辨

詹儼

詹儼字以寬休寧人洪武初官翰林學士以善書名

與朱大同旗鼓足相當而韻稍不逮

詹氏小辨

邵誼

邵誼字思宜休寧人洪武初以文學舉授本縣訓導

調黟縣善篆隸詹希元朱同咸推重其字學

萬姓統譜

思宜分書學受禪碑亦雅勁

詹氏小辨

程曰可

程曰可休寧人與朱同同時楷書結體纖長而筆雅

秀腕力在陳文東上 詹氏小辨

熊鼎

熊鼎字伯穎臨川人太宗親征豫章徵授中書考功

博士後為岐寧衛經歷 潛溪集

太祖命博士熊鼎編類古人行事可鑒戒者書壁間

又書大學衍義於兩廡 吾學編

俞貞木

俞貞木初名貞字有立吳縣人受易於永嘉陳麟旁

讀他經史為古文辭元季杜門隱居洪武初以薦起

知韶之樂昌

王世貞吳中  
往哲像贊

貞木善小楷長於用筆短於結構

書史  
會要

俞有立晞顏燕坐諸詩帖行書

見式古堂  
書畫彙考

陶宗儀

陶宗儀字九成黃巖人少舉進士一不中即棄去務

古學無所不窺尤刻志字學工舅氏趙集賢雍篆筆

洪武辛亥詔取天下士癸丑命守令舉人才又以病

免由避兵家淞城之北泗水之南閉門著書有書史

會要九卷

孫作滄螺集

錢達

錢達字伯行父良佑以家學有書名仕元歷淮南行省員外郎國初選赴京師同太常議禮禮成發鳳陽

居住

吳中人物志

錢達才氣飄逸真草篆隸不失規矩

書史會要

葉見泰

葉見泰字夷仲臨海人讀古今兵法悉知用兵之道  
天兵取台州衣褐衣造軍門署部從事終刑部主事

林右公

輔集

見泰博學善草書

甫田集

張宣

張宣字藻仲初名瑄江陰人少負才名洪武初以考

禮被徵尋入史局與修元史擢翰林院編修

常州府志

張宣作字得行楷之法

書史會要

高啓草書歌贈張宣云昔聞汝祖東吳精醉傳草聖  
 醒而驚汝今能飲不滿杓逸氣欲與相崢嶸高堂把  
 筆若把槊長綃一拂悲風生陰垂大澤雷雨過響破  
 巨峽波濤傾颺游絲罥晴晝落落高斗迴寒更飲  
 猿連臂深澗絕飢鶻捩翅荒烟橫自言靜裡觀萬物  
 故能變化窮其情

高太史集

顧祿

顧祿字謹中華亭人能詩善書行楷學蘇文忠公而



尤工於分隸洪武中為太常典簿

華亭志

顧祿嘗過鄱陽湖賦詩太祖聞之命盡進其所作故其集名經進嗜酒善書高士敏贈詩有兩京書博士

一代酒神仙之語

靜志居詩話

顧謹中陳君相見詩卷

見式古堂書畫彙考

孔彥縉

孔彥縉襲封衍聖公精篆書筆力豪壯入於能品顧謹中為賦詩云魯國名公篆法奇懸針倒薤總相宜

其譽在當時如此

書史會要

秦約

秦約字文仲崇明人博通諸經尤邃於詩洪武間以

文學薦擢禮部侍郎

陳沂南畿志

秦約善書

唐氏小辨

花雨軒記秦約書

王行

王行字止仲號半軒更號楮園吳縣人洪武初郡庠

延為經師

朱國楨開國臣傳

王行雖不以書名觀其二王書法辨曲盡書家之法

必能書也

書史會要

袁華

袁華字子英少好讀書尤工為詩顧瑛家多名畫法

書日與共閱洪武初辟郡文學

劉鳳續吳先賢贊

張公墓誌銘袁華書

邵亨貞

邵亨貞字復孺華亭人博通經史贍於文詞工真草

篆隸洪武初為府學訓導

顧清松江志

式古堂書畫考

載貞溪名勝詞翰卷有亭貞寄錢應庚詩詞手蹟按

華亭縣志云亭貞卜築溪上以貞溪自號

曾鼎

曾鼎字元友更字有實泰和人有孝行人稱曰曾孝

子元末為濂溪書院學正洪武三年以明經舉引疾

辭博學強記工詩擅八分書範金為小印章渾然古

意

楊士奇東里集

詹俊

詹俊字用章姑孰人洪武四年被徵授磁州同知陞

汝寧通判善吟咏尤喜作大書

東里集

吳履

吳履字德基蘭溪人俊邁有奇材通諸史願學司馬遷班固最好書尤工行草得之者藏弃為榮國初為

南康丞

宋學士集

馬治

馬治字孝常宜興人為詩文典雅冲澹善真行書元

末與周砥避亂隱居西澗洪武初由茂才舉授內丘

知縣遷建昌府同知

沈敕荆溪外紀

洪武而下至永樂多法詹宋馬治小字獨法晉唐豈

其人亦邁時者邪

詹氏小辨

### 張簡

張簡字仲簡姑蘇人讀書知古今寄迹老子法隱居

鴻山作詩談雅有陶韋風翰墨無俗氣而暗合書法

顧瑛玉山  
草堂雅集

張仲簡書法婉媚

劉鳳續吳先賢讚

張仲簡寄叔方詩

式古堂書畫彙考

王時

王時字景南博學好古精於篆隸章草用意深密凡

六書源委靡不擇究深為盧熊之所稱美

方鵬崑山志

唐肅

唐肅字處敬自號丹崖處士山陰人為文簡潔而雅

奧詩步驟盛唐尤工篆楷深得筆意洪武三年召修

禮樂書擢應奉翰林文字承事郎同知制誥兼國史

院編修官

蘇平仲集

謝肅

謝肅字元功上虞人學問該博洪武中舉明經授福

建按察司僉事與唐肅齊名時號會稽二肅

紹興志

謝肅正草皆宗晉

書史會要

趙古則



趙古則字撝謙後改名謙餘姚人洪武初徵修正韻  
為國子監典簿罷歸築考古臺述六書之旨精義入  
神得於圖象言意之外後復召為瓊山教諭

紹興志

謙嘗言讀書必貴識字故曰六書明則六經如指諸

掌乃著六書本義十二卷

書史會要

林鴻

林鴻字子羽閩人洪武初以人材薦授將樂訓導七

年拜膳部員外郎

吾學編

林鴻詩法盛唐書臨晉帖殆逼真矣惜惟得其貌耳

徐泰  
詩談

卷之六十五本第十二卷

林鴻詩法盛唐書臨晉帖殆逼真矣惜惟得其貌耳

林鴻詩法盛唐書臨晉帖殆逼真矣惜惟得其貌耳

林鴻詩法盛唐書臨晉帖殆逼真矣惜惟得其貌耳

六藝之一錄卷三百六十一